

六  
典  
通  
考

六典通考卷一百二十一

制西閭鎮圻輯

禮制考

諸侯喪禮

夫人皇太子妃諸王妃喪公主禮附

周制諸侯喪三日小斂衣十有九稱太祝實斂眾祝佐之太斂厥明陳衣于庭百稱北領西上大斂于阼以簟席布絞鋪者三橫者五布紵二衾絞紵如朝服絞一幅爲三不辟紵五幅無紵二衾者或覆或薦之也如朝服者謂布精粗如朝服十五升子一人升經卽位于序端卿大夫卽位于堂廉楹西北面東上父兄堂下北面夫人命婦尸西東面外宗房中南面小臣鋪席商祝鋪絞紵衾衣士盥于盤上士舉遷尸于斂上卒斂卒告子馮之踊夫人

東面亦如之

子弁經者未成服也弁如爵弁而素大夫之喪子亦如之

右斂禮

杜佑曰凡喪大斂於阼卽遷尸于棺而殯殯訖

乃于室中設大斂奠天子諸侯喪斬縗者奠大夫齊縗者奠士朋友奠主人不親奠以孝子悲哀思慕不暇執事也牲牢如小斂之奠布席而未有几人君禮奠則有几案周成王乙丑崩癸酉牖間南向西序東向東序西向皆仍几卽殯前有几之文諸侯雖無文亦當與天子同大夫士葬前下室無几降于人君也司几筵云凡喪事設葦席右素几其椁席用萑黼純諸侯則紛純每敦一几

喪事謂凡奠也萑如葦而

細者敦覆也棺在殯則椁敦既窆則加見皆謂覆之周禮雖合葬及同時在殯皆異几祭于廟同几凡喪事

仍几奠用素器

職喪掌諸侯及凡有爵者之喪以國之喪禮喪服士喪既夕

亡莅其禁今序其事 死曰薨復曰某甫其復矣言諡曰類

使大夫行象聘問之禮也言諡者序其行及諡所宜其禮亡 魯莊公三十二年八月癸

亥公薨于路寢路寢正寢也寢疾居正寢正也男子不絕于

婦人之手以齊終也齊絮也成十八年僖公三十有三年

公薨于小寢公如齊反薨于小寢即安也小寢夫人寢也

路小寢非正也許穆公卒于師葬之以侯禮也男而以侯

凡諸侯薨于朝會加一等公上等侯伯中死王事加二等以

死勤于是有以衰斂服也衰衣公滕侯卒不書名未同盟也凡

諸侯同盟于是稱名故薨則赴以名告終稱嗣也告亡者之

之以繼好息民謂之禮經葬蔡宣公卒何以名而葬不名

六典通考卷五二十一

卒從正

卒當赴告天子君前臣名故從君臣之正義言也

而葬從主人

葬不赴告天子故從臣子

辭稱也

卒何以日而葬不日卒赴而葬不告

白虎通諸侯薨

赴告鄰國何緣鄰國欲有禮也諸侯夫人薨告天子者不敢自廢政事天子亦欲知之當有禮也諸侯薨使臣歸瑞珪于天子何諸侯以瑞珪爲信今死矣嗣子諒陰三年之後乃當更爵命故歸之推讓之義禮曰諸侯薨使臣歸瑞珪于天子右赴告君訃于他國之君曰寡君不祿敢告于執事夫人曰寡小君不祿太子之喪曰寡君適子某死

諸侯行而死于館則其復如于其國如于道則升其乘車之左轂以其綏復之復招魂復魄也如于其國主國館賓與使有升車左轂象升屋東榮綏當爲綏旌也其輅有綵緇布裳帷素旗之旌也去其旌而用之異于生也

錦以為屋而行

輔載柩將殯之車飾也精取名于視與精視

談謂隨甲邊緣緇布裳帷圍棺者也裳帷用緇則輔用赤矣

輔象宮室屋其中小張襪裹棺者若未大斂其載尸而歸車

飾皆至于廟門不毀牆遂入適所殯唯輔為說于廟門外

也適所殯謂兩楹之間去輔乃入廟門以其入自有宮室也

凡柩自外來者正棺于兩楹之間尸亦俛之于此因殯焉異

尸入自門升自阼階

曾子問曰君出疆以三年戒以棨

從君薨其入如之何

戒猶備也謂衣衾也親身

服殯服謂布深衣其經散帶垂纁

服時主人所服共之以待其來也

未安不忍成服于外也麻弁經者布弁而加

環經也布弁如爵弁而用布杖書為己病

階闕謂毀宗也升自西階亦異生也所毀宗殯宮門西也于

此正棺而服殯服既塗而成殯也

如小斂則子免而從柩

主人布深衣不括髮

階親未入棺不忍異

君大夫士一節也

于生使如生來反

入自門升自阼

右卒于道 宋元公將如晉旦召六卿曰寡人不佞不能  
事父兄以爲二三子憂若以羣子之靈獲保首領以沒唯  
是槨柩所以藉幹者也槨柩棺中筵席也幹骸骨也請無及先君仲幾對  
曰宋國之法死生之度先君有命矣羣臣以死守之弗敢  
失隊臣之失職常刑不赦臣不忍其死君命祇辱宋公遂  
行己亥卒于曲棘葬宋元公如先君禮也

之 大宗伯朝覲會同則爲上相哭諸侯亦如之

哭諸侯者謂薨于國爲位而哭

記天子之哭諸侯也爵弁經紵衣或曰使有司哭之也  
哀戚之事不可虛爲之不以樂食  
蓋謂殯斂之間天子聞諸侯薨哭之何

慘恒發中哀痛之至也使大夫弔之重終追遠之義也故禮  
檀弓曰天子哭諸侯爵弁純衣又曰遣大夫弔詞曰皇天降

災子遭離之難嗚呼哀哉天王使臣某弔哭天子九諸侯

七此臣聞君喪而未奔為位而哭大夫哭諸侯不敢拜賓此謂

在他國聞喪者哭其舊諸臣在他國為位而哭不敢拜賓謂

君不敢拜賓辟為主夫使于與諸侯為兄弟亦為位而哭族親昏姻吳子壽夢

卒臨于周廟禮也周公出文王凡諸侯之喪異姓臨于外城

外同同姓于宗廟所出王同宗于祖廟始封君同族于禰廟

其國是故魯為諸姬臨于周廟為邢凡蔣茅胙祭臨于周公

之廟六國皆周公之宣公薨逐東門氏襄仲居東門氏子家

還及笙壇帷復命于介除地為壇而張帷介副既復命袒括

髮以麻即位哭三踊而出依在國喪遂奔齊

右臨哭天子哭諸侯大夫哭其君鄰國之君臨哭于廟

六典通考

卷百二十一

四



魯文公元年春王正月公即位

先君未葬而公即位不可殯年無君

定公元

年夏六月癸亥公之喪至自乾侯則曷爲以戊辰之日然後

即位正棺于兩楹之間然後即位

正棺者象既小斂夷于堂禮始死于北屬下浴于中

霤飯含于牖下小斂于戶內夷于兩楹之間大斂于阼階殯于西階之上祖于庭葬于墓天子五日小斂七日大斂諸侯

三日小斂五日大斂卿大夫二日小斂三日大斂夷而經殯而成服故戊辰然後即位

正君乎國然後

即位也

以君始死之禮治之故須殯而後言即位

沈子曰正棺乎兩楹之間然後

即位也

兩楹之間君聽政之處

內之大事曰即位君之大事也其不曰

何也以年決者不以日決也此則其日何也踰年即位厲也

厲危也

于厲之中又有義焉

先君未殯則後君不得即位

未殯雖有天子之

命猶不敢況臨諸臣乎

白虎通踰年即位所以繫人臣之

心也三年然後受爵者緣孝子之恩未忍安吉也故魯僖公

十二月乙巳薨于小寢文公元年春王正月公卽位四月下  
已葬韓詩內傳曰諸代子三年喪畢上受爵命于天子所以  
名之爲代子何言代代不絕也代子三年喪畢上受爵命于  
天子何明爵者天子之所有無自爵之義童子當受爵命者  
使大夫就其國而命之明王者不與童子爲禮也以春秋魯  
成公幼少與童子爲禮者諸侯會公不見經以爲魯聰明不  
與童子爲禮代子上受爵命依士服何謙不敢自專也故詩  
云韎韐有奭謂代子始行也日知錄卽位者卽先君之位也  
未祔則事死如生位猶先君之位也  
位也故祔廟而後嗣子卽位周卒哭而祔故踰年斯卽位矣有不待葬而卽位必在期年之後  
公成公者其君存稱世子君薨稱子某稱子明繼父也名  
禮之末失乎君存稱世子君薨稱子某稱子明繼父也名  
名也君前臣既葬稱子所屈也踰年稱公君薨太子號稱子待

猶君也

雖稱子與諸侯朝會如君矣

未沒喪不稱君示民不爭也故魯

春秋記晉喪曰殺其君之子奚齊及其君卓春秋不稱楚越

之王喪禮君不稱天大夫不稱君恐民之惑也

君不書葬辟其僭號也

宋桓公卒未葬而襄公會諸侯故曰子凡在喪王曰小童

公侯曰子

公侯位尊上連王者下絕伯子男周康王在喪稱子一人釗禮稱亦不言小童或所稱之辭各有所

施

五經異義諸侯未踰年出朝會與不出會何稱春秋公

羊說云諸侯未踰年不出境在國中稱子以王事出亦稱子

非王事而出會同安父位不稱子鄭伯伐許未逾年以本爵

譏不子也左氏說諸侯未踰年在國內稱子以王事出則稱

爵詘于王事不敢伸其私恩鄭伯伐許是也春秋不得以家

事辭王事諸侯藩衛之臣雖未逾年以王事稱爵是也鄭元

駁云昔武王卒父業既除喪出至孟津之上猶稱太子者是爲孝也今未除喪而出稱爵是與武王義反矣春秋僖公九年春三月丁丑宋公禦說卒夏公會宰周公齊侯宋子衛侯鄭伯許男曹侯于葵邱宋子卽踰年君也出與天子大夫會是非王事而稱子耶未踰年之君繫父公羊說云未踰年之君皆繫于父晉里克殺其君之子奚齊是也左氏說云未踰年之君未葬繫于父殺奚齊于次時父未葬雖未踰年稱子成爲君不繫于父齊公子商人殺其君捨父已葬案禮制君喪未葬已葬儀各有差嗣君號稱亦宜有差 日知錄凡繼立之君踰年正月乃書卽位然後成之爲君未踰年則稱子未踰年又未葬則稱名先君初沒人子之心不忍忘其父也

父前子名故稱名莊公三十二年子般卒襄公三十一年子

野卒是也已葬則子道畢而君道始矣子而不名文公十八

年子卒僖公二十五年衛子公成二十八年陳子公共定公三年

邾子公隱是也踰年則改元國不可以曠年無君梁玉繩曰案史記衛戴公

無元年而稱元年者戴公亦欲踰年改元而身不及待其故

臣子不忍從未成君之例即以懿公九年為戴公元年故

有不待葬而即位則已成之為君文公元年春王正月公即

位成公元年春王正月公即位定公元年夏六月戊辰公即

位桓公十三年衛侯惠宣公十一年陳侯成成公三年宋公

共衛侯定是也所以敬守而重社稷也此皆周公之制魯史

之文而夫子遵之也公羊傳曰君存稱世子君薨稱子某既

葬稱子踰年稱公得之矣未葬而名亦有不名者僖公九年

宋子

襄公

定公四年陳子

懷公

是也所以從同也已葬而不名亦

有名之者昭公二十二年王子猛是也所以示別也卽位之

禮必于踰年之正月卽位然後國人稱之曰君春秋之時有

先君已葬不待踰年而先卽位者矣宣公十年齊侯使國佐

來聘

頃公

成公四年鄭伯伐許

悼公

稱爵者從其國之告亦以著

其無父之罪

右諸侯卽位及在喪之稱

春秋公羊說云未踰年君有子則書葬立廟無子則不書葬恩

無所錄也或曰臣不殤君子不殤父君無子而不爲立廟

是背義棄禮也鄭元駁云未踰年君者魯子般子惡是也

皆不稱公書卒弗諡不成于君也廟者當序于昭穆不成于君則何廟之立凡無廟者爲壇祭之

人

凡諸侯及諸臣葬于墓者爲之蹕均其禁 飾棺君龍

帷三池振容黼荒火三列黻三列素錦褚加僞荒纁紐六齊

五采五貝黼翬二皦翬二畫翬二皆戴圭魚躍拂池君纁戴

六纁披六

荒業也在旁曰帷在上曰荒皆所以衣柳也黼荒

耳偽常爲帷有褚以觀覆棺乃加帷荒于其上紐所以結連

帷荒者也池以竹爲之如小車答衣以銅爲魚縣于池下撿撿

于荒之爪端若承雷然云君大夫以銅爲魚縣于池下撿撿

翟青也質五色畫之于絞緇而垂之以爲連繫棺束與柳材使

動行則又魚上拂池戴之言值也所以連繫棺束與柳材使

相值因而結前後披也漢禮翬以木爲筐廣三尺高二尺四

寸方兩角高衣以白布畫者畫雲氣其餘各如其象柄長五

尺車行使人持之而從既窆樹于壙中植弓曰周人牆置翬

是也諸侯五月而葬三重六翬謂抗木在上菑在下國君七

个遣車七乘諸侯七則君葬用輜四綽二碑御棺用羽葆棺

日綽行道曰引至壙將窆又曰綽而設碑是凡封用綽去碑

以連言之碑恒楹也御棺居前爲節度也魯莊公之喪既

負引君封以衡君命毋諱以鼓封聯考官

葬而經不入庫門時子般弒慶父作亂閔公士大夫既卒哭

麻不入麻猶經也羣臣畢虞卒哭亦除喪也閔公既吉服不與虞卒哭定公十有五年秋

九月丁巳葬我君定公雨不克襄事禮也喪成也葬既有日不

為雨止禮也雨不克葬喪不以制也戊午日下稷乃克葬稷

也謂乃急辭也不足乎日之辭也昭公之喪至自乾侯季

孫使役如閔公氏將溝焉閔魯羣公墓所季孫惡昭公欲溝絕其兆域不使與先君同榮

駕鵝曰生不能事死又離之以自旌也旌章也乃止葬昭公于

墓道南孔子之為司寇溝而合諸墓公肩假曰夫魯有初

初謂公室視豐碑豐碑斲大木為之形如石碑于椁前後四角樹之穿中于間為鹿盧下椁以絳繞天

故事三家視桓楹斲之形如大楹耳四植謂之桓

子六絳四碑前三家視桓楹諸侯四絳二碑碑如桓矣大夫

後各重鹿盧也癸未葬宋繆公葬者曷為或曰或不曰不及

二絳無碑時而日渴葬也渴喻急也不及時而不曰慢葬也慢薄不能過時以禮葬也



而曰隱之也也隱痛過時而不曰謂之不能葬也當時而不曰

正也當時而曰危不得葬也 宋文公卒始厚葬用屨炭益

車馬始用殉重器備槨有四阿棺有翰檜燒蛤爲炭以瘞殯多埋車馬用人從

葬重猶多也四阿四注槨也前旁飾檜上飾皆王禮君子謂華元樂舉于是乎不臣臣

治煩去惑者也是以伏死而爭今二子者君生則縱其惑死

又益其侈是棄君于惡也何臣之爲 通典諸侯執綽五百

人四綽皆銜校司馬執鐸左八人右八人匠人執羽葆御柩

右葬禮 日知錄春秋葬皆用柔日宣公八年冬十月己

丑葬我小君敬嬴雨不克葬庚寅日中而克葬定公十五

年九月丁巳葬我君定公雨不克葬戊午日下昃乃克葬

己丑丁巳所卜之日也遲而至于明日者事之變也非用

剛日也

經文所書葬列國君無非柔日惟成公十五年秋八月庚辰葬宋共公是剛日其亦雨不克葬遲而

至于明漢人不知此義而長陵帝高以丙寅茂陵帝武以甲申

平陵

昭帝以壬申渭陵帝元

以丙戌義陵帝哀

以壬寅皆用剛日

穆天子傳盛姬之葬以壬戌疑其書為後人偽作

曾子問曰君薨而世子生如之何孔子曰卿大夫士從攝主

北面于西階南

變于朝夕哭位也攝主上卿代君聽國政

太祝裨冕執束帛升自

西階盡等不升堂命母哭

裨冕者諸侯之卿大夫所服太祝裨冕則大夫

祝聲三告

曰某之子生敢告

某夫人之氏也

升奠幣于殯東几上哭降

几筵于殯東

眾主人卿大夫士房中皆哭不踊

眾主人君親也房中婦人

盡一哀反位遂朝奠

反朝夕哭位

小宰升舉幣

所主也舉而三日下埋之階間

眾主人卿大夫士如初位北面

三日負子日也初告生時

太宰太宗太祝

皆皮冕少師奉子以衰祝先子從宰宗人從入門哭者止

人詔贊君事者

子升自西階殯前北面祝立于殯東南隅祝聲三曰

某之子某從執事敢見子拜稽顙哭

奉子者拜哭

祝宰宗人眾主

人卿大夫士哭踊三者三降東反位皆袒子踊房中亦踊三

者三襲衰杖

踊襲衰杖成子禮也

奠出

亦謂朝奠

太宰命祝史以名徧告于

五祀山川

因負子名之喪于禮略也

曾子問曰如已葬而世子生則如之

何孔子曰太宰太宗從太祝而告于禰

告生也

三月乃名于禰

以名徧告于社稷宗廟山川

### 右喪後世子生

魯昭公十五年六月王太子壽卒秋八月王穆后崩

太子壽之母

晉荀躒如周葬穆后籍談爲介既葬除喪以文伯宴樽以魯

壺文伯荀彥也魯壺魯所獻壺樽王曰伯氏諸侯皆有以鎮撫王室晉獨無

有何也籍談歸以告叔向叔向日王其不終乎王一歲而有

三年之喪二焉天子絕期唯服三年故于是乎以喪賓宴又

求彝器樂憂甚矣且非禮也三年之喪雖貴遂服禮也天子

除喪當在卒哭今王既葬而除故譏其不遂王雖弗遂宴樂以早亦非禮也齊

穀王姬之喪穀當爲告王姬周女魯莊公爲之大功或曰由

魯嫁故爲之服姊妹之服或曰外祖母也故爲之服春秋周

嫁卒服之如內女服姊妹是也天子爲之無服嫁于王者之

後乃服之莊公齊襄公女弟文姜之子當爲舅之妻非外祖

母也外祖母又小功也悼公之母死母哀公哀公爲之齊衰有若曰

爲妾齊衰禮與譏而問之妾之總耳公曰吾得已乎哉魯人以妻

我言國人皆名之爲我妻重而更妾文過非也穆公之母卒穆公魯哀公之曾孫使人問

于曾子曰如之何對曰申也聞諸申之父曰哭泣之哀齊斬

之情饘粥之食自天子達

子喪父母尊卑同

布幕衛也繆幕魯也

幕

以覆棺上也繆繆也繆讀如綃衛諸侯禮魯天子禮幕或為帟

宣公八年冬葬敬嬴旱無

麻始用葛第

第所以引柩殯則有之

雨不克葬禮也禮卜葬

先遠日辟不懷也

懷思也

葬既有日不為雨止禮也雨不克葬

喪不以制也

葬禮喪事有進無退禮先遷柩于廟其明昧爽而引既及葬日則祖行遣奠之禮設矣故雖雨

猶當終事也

宋襄公葬其夫人醯醢百甕曾子曰既曰明器矣

而又寶之

言名之為明器而與祭器皆實之是亂鬼器與人器

白虎通夫人無諡者

何無爵故無諡或曰夫人有諡夫人一國之母修閭門之內

羣下亦化之故設諡以彰其善惡春秋傳曰葬宋恭姬傳曰

其稱諡何賢也傳曰哀姜者何莊公夫人也卿大夫妻無諡

何賤也公妾所以無諡何卑賤無所能務猶士卑小不得有諡也太子夫人無諡何本婦人隨夫太子無諡其夫人不得有諡也天子太子元士也士無諡知太子亦無諡也附庸所以無諡何卑小無爵也王制曰爵祿凡五等附庸本非爵也后夫人于何所諡之以爲于朝廷朝廷本所以治政之處臣子共審諡白之于君然後加之婦人大夫故但白君而已

君之適長殤車三乘公之適長殤車一乘成人遣車五乘長殤三乘下殤一乘

庶子言公卑遠之傳曰大功之殤小從上孺子贛之喪魯哀公哀公欲設撥撥可

撥引輶車所謂綽問于有若若有若曰其可也君之三臣猶設之三臣

叔孫季顏柳曰天子龍輶而棹幃也殯以棹覆棺上塗之所

謂散塗龍輶以棹諸侯輶而設幃輶不爲榆沈故設撥以水澆榆白

六典通考卷百二十一  
士

以播地于引轎車滑三臣者廢轎而設撥竊禮之不中者也而君何學焉也三臣于禮去轎今有拂是用轎僭禮也殯禮大夫敢置西序士掘殯見禮

右王侯太子諸侯夫人妾母庶子之喪 日知錄定十五年妣氏卒不書薨不稱夫人葬不稱小君蓋春秋自成風以下雖以妾母爲夫人然必公卽位而後稱之此妣氏之不稱者本無其事也後世之君多于柩前卽位于是大行未葬而尊其母爲皇太后及乎所生亦以例加之妾貳于君子疑于父而先王之禮亡矣

漢景帝中元二年春二月令諸侯王薨列侯初封及之國大鴻臚奏諡誅策皇帝延諸侯王賓皆屬大鴻臚故其列侯薨葬奏其行述賜與諡及哀策誅文及諸侯太傅初除之官大行奏諡誅策禮有大行人小行人主諡官故以此名之

王薨遣光祿大夫弔襚祠贈視喪事因立嗣子列侯薨遣大

中大夫弔祠視喪事因立嗣其薨葬國得發民輓喪穿復土

治墳無過三百人畢事元狩六年冠軍侯霍去病薨上悼之

發屬國玄甲軍陳自長安至茂陵遂其葬所以寵衛為冢象

祁連山在茂陵旁冢上有堅石冢前有石人馬諡之并武與廣地曰景桓侯景武

諡也桓廣地諡也布義行地節二年大將軍博陸侯霍光薨

剛曰景辟土服遠曰桓上及皇太后親臨光喪太中大夫任宣與侍御史五人持節

護喪事中二千石治莫府塚上典為塚者賜金錢綰絮繡被百領

衣五十篋璧珠璣玉衣漢儀注以玉為襦如鏡狀連綴之以黃金為縷要已下玉為札長尺廣二

寸半為甲下至足梓宮以梓木為之便房黃腸題湊各一具以

木黃心致累棺外故曰黃腸木頭皆向內故曰題湊漢儀注

天子陵中明中高丈二尺四寸周二丈內梓宮次櫃梓柏黃

六典通考卷五十一



賜題湊便房小曲室也椳木外臧椁十五具在正臧外婢妾臧也或曰廚廡之屬東園溫

明鏡懸屋上方漆桶開一面漆畫之以皆如乘輿制度載光尸

柩以輶輶車案杜延年奏載霍光柩以輶車駕大廐白虎駟

車也可以卧息後因載喪飾以柳絮故遂為喪車耳輶輶者密

間輶者旁開窗牖各別一乘隨事為名後人既專以載喪又

去其一總為藩飾耳黃屋左纛發材官輕車北軍五校士軍陳

而合二名呼之耳黃屋左纛發材官輕車北軍五校士軍陳

至茂陵以送其葬諡曰宣成侯發三河卒穿復土起冢祠堂

置園邑三百家長丞奉守如舊法光妻顯改光時所自造塋

制而侈大之起三出闕築神道北臨昭靈南出承恩昭靈承恩皆節

也盛飾祠室輦閣通屬永巷而幽良人婢妾守之家上作輦閣之道及

後漢諸侯王列侯始封貴人公主薨皆令贈印璽玉押銀樓

巷

大貴人長公主銅鏤諸侯王貴人公主將軍特進皆賜器宮

中二十四物使者治喪穿作柏椁百官會送如故事諸侯王

公主貴人皆樟棺洞朱雲氣畫公特進樟棺黑漆中二千石

以下坎侯漆

空中勘合而漆也如漆坎侯卽塋篋

載飾以蓋龍首魚尾華布牆

纁上周交絡前後雲氣畫帷裳中二千石以上有輜左龍右

虎公侯以上加倚鹿伏熊其正妃夫人皆如之

孝靈帝葬馬貴人贈步搖

赤綬葬青羽蓋駟馬輅下殿女侍史一百人著

素衣挽歌引木下就車黃門宦者引出宮門諸侯王傅相

中尉內史典喪事大鴻臚奏謚天子使者贈璧帛載日命謚

如禮下陵羣臣醴羈服如儀主人如禮永平元年東海恭王

彊病顯宗遣中常侍鉤盾令將太醫乘驛視疾及薨帝從太

后出幸津門亭發哀

津門洛陽南面西頭門也一名津陽門每門皆有門

使大司空持

節護喪事大鴻臚副宗正將作大匠視喪事贈以殊禮升龍旄頭鸞輅龍旂虎賁百人詔楚王英趙王栩北海王興館陶公主北陽公主及京師親戚四姓夫人小侯皆會葬夫人小侯之母帝追維疆深執謙儉不欲厚葬以違其意于是特詔中常侍杜岑及東海傅相曰王以德自終遣送之物務從省約衣足歛形茅車瓦器物減于制以章王卓爾獨行之志將作大匠畱起陵廟東平憲王蒼薨遣大鴻臚持節五官中郎將副監喪及將作使者凡六人令四姓小侯諸國王主悉會詣東平奔喪賜錢前後一億布九萬匹及葬詔有司加賜鸞輅乘馬龍旂九旒虎賁百人奉送王行永元二年中山簡王焉薨自中興至和帝時皇子始封薨者皆賻錢三千萬布三萬匹嗣

王薨賻錢千萬布萬匹是時竇憲兄弟擅權睦于焉而重于

禮加賻錢一億詔濟南東海二王皆會大爲修冢塋開神道

墓前開道連石柱以爲標謂之神道平夷吏人家墓以千數作者萬餘人發常

山鉅鹿涿郡柏黃腸雜木黃腸柏木黃心三郡不能備復調餘州郡

工徒及送致者數千人凡徵發搖動六州十八郡制度餘國

莫及自永初己後國用不足始封王薨減賻錢爲千萬布萬匹嗣王薨賻錢五百萬布五千匹時唯濟北王壽最尊

親特賻錢三千萬布三萬匹

魏喪葬令云王及郡公侯之國者薨其國相官屬長史及內

史下令長丞尉皆服斬纓居倚廬如夫人服齊纓朝晡詣喪

庭臨以喪服視事葬訖除服其非國下令長丞尉及不之國

者相內史及令長丞尉其相內史吏皆素服三日哭臨其雖

非近官而親在喪庭執事者亦宜制服其相內史及以列侯

爲吏令長者無服皆發哀三日

司空陳羣曰古者諸侯專國子人至漢初奪之權食租而

已乃選賢能代王居國相王爲善否則彈糾國家置王以下之吏非陪臣之謂也禮記雖有與諸侯爲親服斬者蓋謂異于國臣與有親于王斬耳雖陪臣不親猶不爲服豈專帝臣而爲藩王服斬近防輔小吏尙不稱臣況剖符帝臣而稱臣妄于藩

黃初四年任城王彰薨賜鸞輅龍旂虎賁百人以葬

如漢東平王故事青龍三年中山恭王褒疾病詔遣太醫視疾殿中虎賁齋手詔賜珍膳相屬又遣太妃沛王林就省疾褒疾困勅令官屬曰吾寡德忝寵大命將盡吾旣好儉而聖朝著終誥之制爲天下法吾氣絕之日自殯及葬務奉詔書昔衛大夫遽瑗葬濮陽吾望其墓常想其遺風願託賢靈以弊髮齒營吾兆域必往從之禮男子不卒婦人之手亟以時

成東堂堂成名之曰遂志與疾往居之其年薨詔沛王林璠  
訖葬使大鴻臚持節典護喪事宗正弔祭贈賻甚厚

晉制王公五等諸侯成國置卿者及朝廷公孤之爵皆旁親  
絕周而旁親爲之服斬摯虞以爲古者諸侯臨君之國臣諸  
父兄今之諸侯其尊未全不宜從絕周之制而令旁親服斬  
纓諸侯既然則公孤亦宜如舊昔魏武帝表上漢朝依古爲  
制不皆施行大晉採以著令宜定新禮皆如舊咸甯二年詔  
諸王公大臣薨應三朝發哀者踰月不舉樂其一朝發哀者  
三日不舉樂秦始十年晉長樂長公主薨太康七元康中秦  
年秋扶風王亮薨武帝並舉哀三日王薨秦國郎中令始平李含因王葬訖除服被貶御史中丞  
傳咸表云秦王薨含悲慟之哀感于人心含俯就王制如令

除服葬後十七日乃親中正職時議謂之背戚居榮奪其中  
正而復闕于天子之喪既葬而除便云天朝殊尊援以爲准  
非所宜言國制既葬而除既除而耐文皇帝升遐武帝崩殂  
陛下毀頓率土臣妾無攀慕遂服之心竇以國制不可而遽  
天王之喪釋于上藩國獨遂于下甚不可安且秦王無後含  
應爲喪主今制既葬應除而耐則應吉服以祭按放勳之殂  
遏密三載太宗之崩曾不數旬釋然卽吉引古繩今皆應有  
貶前含有王喪上請差代尙書勅王葬日在近葬訖含應攝  
職不聽差代含承天臺之勅逼司徒之符然後攝職及適職  
隨而擊之此爲臺勅府符陷含于惡也含之困躓何足惜國  
制不可偏安平王嗣孫薨或言諸侯應降服姜輯議云君薨

未踰年而代子卒者猶稱子而名不成君春秋之正義也不  
成君則羣臣親戚不得服重服況安平王見在而使諸王服  
嗣孫以諸侯之禮未之敢安也大晉建五等憲章舊物詔書  
亭侯以上與王公同列侯以上策命建國者皆宜依古諸侯  
使絕周服喪服記公爲所寓齊衰三月新禮除此一章摯虞  
以爲禮備制待物不以時衰而除盛典世隆而闕衰教曩王  
司徒失守播越自稱寄公時天下多此比宜定新禮如舊經  
詔從之永和十一年彭城國爲季大妃求謚胡訥云禮婦人  
生以夫爵死以夫謚春秋夫人有謚不復依禮耳安平獻王  
李姬琅琊武王諸葛妃太傅東海王棐妃並無謚今宜率舊  
典王彪之云聲子爲謚服虔諸儒以爲非杜預亦云禮婦人



無諡近世惟后乃有諡耳太尉荀顗上諡法云若賜諡而道遠不及葬者皆封策下屬遣所承長吏奉策卽家祭賜諡升平元年帝姑廬陵公主未葬符問太常冬至小會應作樂不博士胡納議君于卿大夫比卒哭不舉樂公主有骨肉之親宜闕樂太常王彪之云案武帝詔三朝舉哀三旬乃舉樂其一朝舉哀者三日則舉樂中興不改此制今小會宜作樂十八年太常車胤上言自頃開國公侯至于卿士庶子爲後者服其庶母同之于嫡違禮犯制宜加裁抑升平四年故太宰武陵王生母喪表求齊衰三年詔依昔樂安王故事制大功九月興寧三年故梁王生母喪亦求三年詔書依太宰故事同服大功若謹案周禮則緦麻三月若奉晉制則大功九月

古禮今制並無居廬三年之文詔聽胤所上可依樂安王太  
功爲正瑯琊中尉王奧問國王爲大宰武陵服事云太宰降  
爲庶人諸侯貴與庶人不敵爲不降邪昆弟俱仕一人爲大  
夫一人爲士便降況諸侯而持庶人服乎徐邈答云禮以貴  
降賤王侯絕周以尊降卑則公子服其母妻昆弟不過大功  
以嫡別庶則父之所降子亦不敢不降也喪服傳又曰始封  
之君不臣諸父昆弟漢魏以來王侯皆不臣其父兄厭降之  
節與周不同總猶不降況其親乎五服內外通如周之士禮  
而三降之典不行同矣記又云古者不降故孟武孟皮得全  
齊縗然則殷周立制已自不同晉世所行遠同斯義  
宋文帝元嘉四年八月太傅長沙景王神主隨子南兖州刺

史義興鎮廣陵備所加殊禮下舩及至鎮入行廟大司馬臨  
川烈武王神主隨子荊州刺史義慶江陵亦如之二十三年  
七月御史中丞何承天奏尙書刺海鹽公主所生母蔣美人  
喪海鹽公主先離婚今應成服撰儀注參詳宜下二學禮官  
博士議公主所服輕重太學博士顧雅議宜同齊衰削杖布  
帶疎履期禮畢心喪三年博士周野王議今諸王公主咸用  
士禮譙王衡陽王爲所生太妃皆居重服則公主情禮亦宜  
期服爲允臺案今之諸王雖行士禮是施于傍親及自己以  
下至爲帝王所厭猶依古典又永初三年九月符脩儀亡廣  
德三主猶服大功海鹽公主上厭至尊豈得遂服又晉恭帝  
爲皇子服其所生陳氏練冠縗緣此前代故事謹依禮文又

廣德三公主爲所生母符脩儀服大功元嘉十三年第七皇子不服曹婕妤好止于麻衣博士既不據古又不依今雖引諸條無救于失元嘉二十九年南平王鑠所生母吳淑儀薨依禮無服麻衣練冠旣葬而除有司奏古者與尊者爲體不得服其私親而比世諸侯咸用士禮五服之內悉皆成服于其所生反不得遂于是皇子皆申母服孝建元年六月有司奏故第十六皇弟休倩薨天年始及殤追贈諡東平沖王服制未有成准下禮官詳議太學博士陸澄議贈之爲義追加名命不爲吉凶殊典今璽策咸秩是成人之禮羣后臨哀非下殤之制若喪旣用成人親不得以殤服左丞臣羊希參議案禮子不殤父臣不殤君又曰尊同則服其親服推此文旨旁親自宜服殤不殤者唯臣子而已詔可大明二年

有司奏凡侯伯子男世子喪無嗣求進次息爲世子檢無其  
例下禮官議正博士孫武議案晉濟北侯荀勗長子連卒以  
次子輯拜世子宜爲今例曹郎諸葛雅之議案春秋傳云世  
子死有母弟則弟無則立長年均擇賢義均則卜今長子早  
卒無嗣進立次息爲世子取諸左氏理義無違謂宜開許以  
爲永制詔可大明五年閏月皇太子妃薨樟木爲櫬號曰樟  
宮載以龍輜造陵于龍山置大匠卿斷草司空告后土謂葬  
曰山塋祔文元皇后廟之陰室在正堂後壁之外北向御服  
大功九月設位太極東宮堂殿中監黃門侍郎僕射並從服  
從服者御服衰乃從服他日則否宮臣服齊衰三月其居官  
者處寧假有司奏皇太子妃薨至尊皇后並服大功九月皇

太后小功五月未詳二御當得作鼓吹及樂司馬興之議案  
禮齊衰大功之喪三月不從政今臨軒拜授則人君之大典  
今古不同愚謂皇太子妃祔廟之後便可臨軒作樂及鼓吹  
右丞徐爰議樟棺在殯應縣而不作祔後三御樂宜使學官  
擬禮上興之又議禮大功至則辟琴瑟但王者體大理絕凡  
庶故漢文既葬復吉唯縣而不作樂今准其輕重下流大功  
不容撤樂終服

齊建元二年皇太子妃薨斬草乘黃議建銘旌僕射王儉議  
禮既塗棺祝取銘置于殯東大歛畢便應建于西階之東又  
議旒本是命服無關於凶事今公卿以下平存不能備禮故  
在凶乃建耳東宮秩同上公九命之儀妃與儲君一體義不

容異無緣未同常例別立凶旒娶自用八從之建武時海陵王薨百官會哀時纂嚴朝議疑戎服臨會祠部郎何佟之議羔裘玄冠不以弔理不容以兵服臨喪宋泰始二年孝武大祥之日于時百寮入臨皆于宮門變戎服著衣帙入臨畢出外還襲戎衣從之

梁天監四年安成國刺稱廟新建欲尅今日遷立所生吳太妃神主國王既有妃喪欲使臣下代祭明山賓議以爲不可宜待王妃服竟親奉盛禮五年貴嬪母車喪議者疑其儀明山賓以爲貴嬪既居母憂皇太子出貴嬪別第一舉哀帝從之十四年舍人朱异議禮年雖未及成人已有爵命者則不爲殤封陽侯年雖中殤已有拜封不應殤服帝可之于是諸

王服封陽侯依成人服

後魏熙平二年清河王懌表曰廣陵王恭北海王顥同爲庶母服恭則治重居廬顥則齊期望室不知兩服之證據何經典臣忝宮台傳脩位喉膺謹略舉恭顥二國不同之狀以明喪紀乖異之失乞集公卿樞納內外儒學博議定制班行天下張普惠議曰謹案二王祖母皆受命先朝爲二國始封之母喪服慈母如母在三年章傳曰貴父命也大夫命其妾子以爲母所慈猶曰貴父命爲之三年況天子命其子爲列國王命其所生母爲國太妃反自同公子爲母練冠之與大功乎服問曰有從輕而重公子之妻爲其皇姑公子雖厭妻尙獲申況廣陵北海封君之子命妃之孫承如纂重遠別先皇



更以先后之正統厭其所生之祖嫡方之皇姑不以遙乎經  
曰爲君之祖父母父母妻長子傳曰何以期父母長子君服  
斬妻則小君父卒然後爲祖後者服斬今祖乃獻文皇帝諸  
侯不得祖之母爲太妃蓋二王三年之證且天子尊則配天  
莫非臣妾何爲命之爲國母而不聽子服其親乎若以諸王  
入爲公卿便同大夫者則當今之議皆不須以國爲言也今  
之諸王自同列國雖不之國別置臣寮玉食一方不得以諸  
侯言之敢據周禮輒同三年武定五年正月齊獻武王薨時  
祕凶問六日孝靜皇帝舉哀于太極東堂服齊衰三月及將  
窆中練衰文襄王請自發喪之月帝使侍中陸子彰舉詔三  
往敦喻王固執詔不許乃從薨月

後齊定令親王公主太妃妃喪者借白鼓一面王郡公主太妃皆聽立柏厯凶門五等開國通用方相

詳見卿大夫篇

唐貞觀十一年詔曰諸侯列葬周文創陳其禮大臣陪陵魏武重申其制去病佐漢還奉茂陵之塋夷吾相齊終託牛山之墓斯蓋往聖垂範前賢遺則皇運之初時逢交喪謀臣武將等蒙先朝待遇者身薨之日所司宜卽以聞並于獻陵左側賜以墓地并給東園祕器喪葬凡五等以上薨卒及葬祭者應布衣幘素墓輦皆官借之其內外命婦應得鹵簿者亦如之其墓制一品塋先方九十步今減至七十步墳先高丈八尺減至丈六尺二品先方八十步今減至六十步墳先高丈六尺減至丈四尺三品先方七十步減至五十步墳先高

丈四尺減至丈二尺其四品先方六十步減至五十步墳先  
高丈二尺減至丈一尺五品先方五十步減至四十步墳高  
一丈減至九尺六品以下先方二十步減至十五步墳高八  
尺減至七尺開元中定安公主初降王同皎後降韋濯又降  
博陵崔銑銑復先卒及公主薨其子駙馬王繇請其父合葬  
勅旨依給事中夏侯銍駁之曰公主自昔降婚梧桐半死逮  
乎再醮琴瑟兩亡則生存已與前夫義絕殂日合從後夫禮  
葬若依繇所請卻耐舊姻恐魂而有知王皎不納于幽壤死  
而可作崔銑必訴于元天國有典章事難逾越

宋乾德六年三月中書令秦國公孟昶薨其母李氏繼亡命  
鴻臚卿范禹偁監護喪事詔禮官議定吉凶儀仗太常禮院

言檢詳故事晉天福十二年葬故魏王周廣順元年葬故樞密使楊邠侍衛使史弘肇三司使王章並用一品禮墓方圓九十步墳高一丈八尺明器九十事石作六事音身隊二十人當壙當野祖明祖思地軸十二時神蚊厨帳輦帳各一輦車一挽歌三十六人拂一纛一罍六輜車魂車儀槨車買道車誌石車各一方相氏鵝毛纛銘旌香輿影輿蓋輿錢輿五穀輿酒醢輿衣物輿庖牲輿各一黃白紙帳園宅象生什物行幙並誌文挽歌詞啟攢啟奠祝文並請下有司修製其儀太僕寺革輅兵部本品鹵簿儀仗太常寺本品欽吹儀仗殿中省織一曲蓋二朱漆團扇四自第導引出城量遠近各還贈玉一繻二贈祭少牢禮料下光祿太府寺少府監諸司依

禮供應又楚王母依子官一品例准令文外命婦一品侍近  
二人青衣六人偏扇方扇各十六行鄣三坐鄣二白銅飾轎  
車駕牛馭人四從人十六夾車從車六轍一大扇一團扇二  
戟六十伏緣久不施用如特賜施行卽合于孟昶吉凶仗內  
相參排列詔並令排列祇應仍俟導引至城外分半導至西  
京墳下及葬命供奉官周貽應押奉議軍士二指揮防護至  
洛陽又賜子玄詰墳莊一區開寶四年建武軍節度使何繼  
筠卒詔遣中使護喪仍賜寶劍甲冑同葬咸平元年護國軍  
節度使駙馬都尉王承衍葬鹵簿鼓吹備而不作以在太宗  
大祥忌禁內也元豐五年崇信軍節度使華陰郡王宗旦薨  
聽以旌節牌印葬尋又詔不卽隨葬者徒二年因而行用者

臯之紹興二十四年太師清河郡王張俊葬上曰張俊與別將不同恩數務從優厚仍賜十梁額花冠貂蟬籠巾朝服一襲水銀二百兩龍腦百五十兩其後楊存中薨孝宗令諸寺院聲鐘仍賜水銀龍腦以斂

明洪武十一年皇太子元如常氏薨帝素服輟朝三日中宮素服哀臨皇太子齊衰葬畢易常服皇孫斬衰祭奠則服之諸王公主服如制萬厯四十七年皇太子才人王氏薨輟朝五日不鳴鐘鼓常服淺淡色衣百官青素服黑角帶朝參皇長孫主饋奠親王喪輟朝三日禮部奏遣官掌行喪葬禮翰林院撰祭文謚冊文壙誌文工部造銘旌遣官造墳欽天監取官一員卜葬國子監取監生八名報訃各王府祭一壇皇

太后皇后東宮各一壇在京文武官各一壇自初喪至除服御祭凡十三壇封內文武祭一壇其服制王妃世子眾子及郡王郡主下至宮人斬衰三年封內文武官齊衰三日哭臨五日而除在城軍民素服五日郡王眾子郡君爲兄及伯叔父齊衰期年郡王妃服小功秦王換薨詔定喪禮禮部尙書任亨泰言考宋制宜輟朝五日今遇時享請暫輟一日皇帝及親王以下至郡主及靖江王宮眷服制皆與魯王喪禮同皇太子服齊衰期亦以日易月十二日除素服期年從之凡親王妃喪御祭一壇皇太后中宮東宮公主各一壇布政使委官開壙合葬繼妃次妃祭禮同其夫人則止御祭一壇俱造壙耐葬晉王妃謝氏薨宋濂等議曰按唐制皇帝爲皇妃

舉哀宋制皇帝爲皇親舉哀今參酌唐宋之制皇帝及中宮服大功諸妃皆服小功南昌皇妃服大功東宮公主親王等皆小功晉王服齊衰期靖江王妃小功王妃總麻輟朝三日旣成服皇帝素服入喪次十五舉音百官奉慰皇帝出次釋服服常服制曰可郡王喪輟朝一日行人司遣官掌行喪葬禮餘多與親王同無皇太后皇后祭郡王妃與親王妃同無公主祭合葬郡王繼妃次妃喪禮與正妃同凡世子喪御祭一東宮祭一百日下葬期年除服御祭各一世孫喪禮如世子成化中從四川按察使彭韶言親王薨逝遣官致祭郡王初喪遣官一祭餘祭並遣本處官王國母妃喪其地有鎮守太監者遣行禮又王國塋葬夫婦同穴開壙合葬止命本處



六 卷一百一十一  
官司凡公主喪聞輟朝一日自初喪至大祥御祭凡十二壇  
下葬輟朝一日儀視諸王稍殺喪制同惟各官不成服

六典通考卷一百三十二

湖西閭鎮珩輯

禮制考

卿大夫喪禮

喪祝王弔則與巫前

檀弓曰君臨臣喪以巫祝桃茢執戈惡之也所以異于生也

凡卿大

夫之喪掌事而斂飾棺焉

職喪卿大夫喪莅其禁令序其

事斂葬也

太史小喪賜諡

小史卿大夫之喪賜諡讀

誄記大夫之喪主人坐于東方主婦坐于西方其有命夫

命婦皆坐無則皆立

命夫命婦來哭者同宗父兄子姓及姑姊妹子姓也凡此哭者尊坐卑立

大

夫之喪三日之朝既殯主人主婦室老皆杖大夫有君命則

去杖大夫之命則輯杖內子爲夫人之命去杖爲世婦之命

授人杖子

大夫有君命去杖此指大夫之

凡訃于其君曰君

之臣某死

臣死其子使人至君所告之

父母妻長子曰君之臣某之某死

大夫訃于同國適者曰某不祿訃于士亦曰某不祿訃于他

國之君曰君之外臣寡大夫某死訃于適者曰吾子之外私

寡大夫某不祿使某實訃于士亦曰吾子之外私寡大夫某

不祿使某實

適讀爲匹敵之敵謂爵同者也實當爲至

大夫之喪將大斂既鋪

絞紵衾衣君至主人迎先入門右巫止于門外君釋菜祝先

入升堂君卽位于序端大夫卽位于堂廉楹西北面東上士

人房外南面主婦尸西東面遷尸卒斂宰告主人降北而于

堂下君撫之主人拜稽顙君降升主人馮之命主婦馮之

先

右者入門而右也巫主辟凶邪也釋菜禮門神也君升視斂

弔喪不入諸臣之家主人房外南面大夫之子尊升視斂

也

君于大夫世婦大斂焉為之賜則小斂焉為之賜謂于外

命婦既加蓋而君至于士既殯而往為之賜大斂焉夫人于

世婦大斂焉為之賜小斂焉于諸妻為之賜大斂焉于大夫

外命婦既殯而往大夫士既殯而君往焉使人戒之主人具

殷奠之禮俟于門外見馬首先入門右巫止于門外祝代之

先君釋菜于門內祝先升自阼階負墉南面君即位于阼小

臣二人執戈立于前二人立于後殷猶大也朝夕小奠至月

君北房戶東也小臣執戈先後君君升而夾階立擯者進始

大夫殯即成服成服則君亦成服錫衰而往弔之大

門東主人拜稽顙君稱言視祝而踊主人踊稱言舉所以大

北面來之辭也夫則奠可也士則出俟于門外命之反奠乃反奠卒奠主人

先俟于門外君退主人送于門外拜稽顙迎不拜拜送者拜

迎則為君之答已

君于大夫疾三問之在殯三往焉士疾一問之在殯一往焉

君弔則復殯服

復反也反其未殯未成服之服新君事也復或作服

夫人弔于大夫士

主人出迎于門外見馬首先入門右夫人入升堂卽位

降自西階拜稽顙于下夫人視世子而踊奠如君至之禮夫

人退主婦送于門內拜稽顙主人送于大門外不拜

世子之從夫人

位如視從君

大夫君不迎于門外入卽位于堂下主人北面眾主

人南面婦人卽位于房中若有君命夫命婦之命四鄰賓客

其君後主人而拜

入卽位于下不升堂而立阼階之下西面

于房中君雖不升堂猶辟之也後主人而拜者將拜

賓使主人陪其後而君前拜不俱拜者主人無二也

君弔見

尸柩而後踊

往不踊也

大夫士若君不戒而往不具殷奠君

退必奠

右弔臨

大夫之喪主人室老子姓皆食粥眾士疏食水飲妻妾疏食

水飲室老其貴臣也大夫爲其父母兄弟之未爲大夫者之

喪服如士服士爲其父母兄弟之爲大夫者之喪服如士服

大夫雖尊不以其服服父母兄弟嫌若贈之也士謂大夫庶子爲士者也己卑又不敢服尊者之服大夫之

適子服大夫之服尊其適象賢大夫之庶子爲大夫則爲其父母

服大夫服其位與未爲大夫者齒使齒于士不士之子爲大

夫則其父母弗能主也使其子主之無子則爲之置後王氏

最無理充其說則是子爵高父母大夫之哭大夫弁經大夫

與殯亦弁經弁經者大夫錫衰相弔之服也大夫有私喪之

葛則于其兄弟之輕喪則弁經私喪妻妾之喪也輕喪以

也大夫降焉弔服而往

私喪之末而  
臨兄弟也

齊晏桓子卒晏嬰薨衰斬苴經帶杖管履食

粥居倚廬寢苫枕草其老曰非大夫之禮也曰惟卿爲大夫

言己非大夫故爲父服士服耳粗衰斬者其縗在齊衰之間

謂縗如三升半而三升不緝也斬衰以三升爲正微緝焉則

屬于粗也士與大夫爲父服異者有粗衰斬枕草矣王肅云

其爲母五升縗而四升爲兄弟六升縗而五升乎喪禮自天子以下無等故曾子云哭泣之哀齊斬之情饘粥

之食自天子達且大國之卿與天子上士俱三命故曰一也

晉士起大國上卿當天子之士也平仲之言唯卿爲大夫未謂

諸侯之卿當天子之大夫非謙辭也春秋之時尊者尙輕簡

喪服禮制遂壞羣卿專政晏子惡之故服粗衰枕草于當時

爲重是以平仲云唯卿爲大夫遜辭以辟害也

右喪服

巾車小喪共匱路與其飾匱路載柩車也飾棺飾也上大夫大棺八寸屬

六寸下大夫大棺六寸屬四寸大夫殯以幬橫至于西序塗

不暨于棺大夫之殯廢輓置棺西牆下就牆橫其三面塗之不及棺者言橫中狹小裁取容棺飾棺大

夫畫帷二池不振容畫荒火三列黻三列素錦褚纁紐二玄

紐二齊三采三具黻斐二畫斐二皆戴綏魚躍拂池前纁後

玄披亦如之大夫不揄絞屬于池下謂池飾也揄揄翟也采

也人君之柳其池繫絞緇于下而畫翟雉焉名大夫之喪其

日振容又有銅魚在其間大夫去振容去魚升正柩也執引者三百人執鐸者右左各四人御柩以茅

諸之大夫邑有三百戶之制引同耳廟中日絳在塗日引大夫三月而葬再重四襲大夫

之喪既薦馬薦馬者哭踊出乃包奠而讀書既夕禮日包奠

人之史大夫卜宅與葬日有司麻衣布衰布帶因喪履緌布



冠不綦占者皮弁

麻衣白布深衣而著衰焉及布帶緇布冠此服非純吉亦非純凶也皮弁則純吉之

者尤如筮則史練冠長衣以筮占者朝服也

筮者筮宅筮史筮人

素也長衣練冠純凶朝服純吉

大夫之喪大宗人相小宗人命龜卜人作龜

卜葬及日也作龜謂揚火灼之以出兆

大夫三月而葬五月而卒哭卿大夫疾

君問之無算君于卿大夫比葬不食肉比卒哭不舉樂大夫

士父母之喪既練而歸朔日忌日則歸哭于宗室諸父兄弟

之喪既卒哭而歸

歸謂歸其宮也宗室宗子之家謂殯宮也

上夫夫之虞也少牢

卒哭成事附皆太牢下大夫之虞也植牲卒哭成事附皆少

牢

下大夫虞以植牲與士虞禮同按左傳鄭公孫黑肱有疾使薄祭祭以特羊殷以少牢注曰四時祝以一羊三年盛

祭祭以羊豕疏曰少牢饋食禮者諸侯之大夫時祭禮也諸侯之太牢止用少牢而禮器云君子太牢而祭謂之禮匹士

太牢而祭謂之禮匹士太牢時也禮器之文据天子大夫言禮大夫時祭少牢大祭

太牢今黑貳全減之謙也大夫附于士士不附于大夫附于大夫之昆弟

無昆弟則從其昭穆雖王父母在亦然大夫附于士不敢以己尊自殊于其祖也

士不附于大夫自別于尊者也大夫之昆弟謂為士者也從其昭穆中一以上祖大夫不得附于諸

侯附于諸祖父之為大夫者其妻附于諸祖姑妾附于妾祖

姑亡則中一以上而附附必以其昭穆既卒哭各就其先君之為祖者兄弟之廟

而附之中其妻卒而后夫為大夫而附于其妻則以大夫牲

猶問也妻為大夫夫為大夫時卒不易牲以士牲也此謂始來仕無廟者無廟者不附宗子去國乃以廟從大夫次于

公館以終喪士練而歸士次于公館練而歸之士謂邑宰也

也大夫廢其事終身不仕死以士禮葬之

### 右葬及虞附

公子益師卒公不與小斂故不書曰書卿佐之喪小斂大斂君皆親臨之戚

僖伯卒公曰叔父有憾于寡人諸侯稱同姓大夫長寡人弗

敢忘葬之加一等加命服仲遂卒于垂王午猶繹萬入去籥

先日辛巳有事于太廟而仲遂卒明日而繹仲尼曰非禮也卿卒不繹季文子

卒大夫入斂公在位此禮叔孫豹卒杜洩將以路葬且

盡卿禮季孫使杜洩舍路不可曰夫子受命于朝而聘于王

王思舊勳而賜之路復命而致之君豹不敢君不敢逆王命

而復賜之使三官書之吾子為司徒實書名夫子為司馬與

工正書服孟孫為司空以書勳今死而弗以是棄君命也書

在公府而弗以是廢三官也若命服生弗敢服死又不以將

焉用之乃使以葬衛靈公適魯遭季桓子之喪衛公請用

哀公辭不得命公為主客入弔康子立于門右北面公揖讓

升自東階西向客升自西階弔公拜興哭康子拜稽顙于位

有司弗辨也今之二孤自季康子之過也鄰國之君弔君君爲之主主人拜稽顙

非也當哭季桓子死魯大夫朝服而弔子游問于孔子曰禮

乎夫子不答他日又問夫子曰始死羔裘元冠者易之而已

汝何疑焉孟獻子禫縣而不樂比御而不入可以御婦人矣尙不復寢

夫子曰獻子加于人一等矣季康子之母死陳褻衣褻衣非上

服陳之敬姜曰婦人不飾不敢見舅姑將有四方之賓來藝

衣何爲陳于斯命徹之徹姜康子從祖母季康子之母死公輸若方

小公輸若斂般請以機封見若掌斂事而年尙幼請代之

將從之公肩假曰不可夫魯有初初謂公室視豐碑大木爲

之形如石碑于梓前後四角樹之穿中于間爲鹿三家視桓

盧下棺以紼繞天子六紼四碑前後各重鹿盧也

概斷之形如大楹般爾以人之母嘗巧則豈不得以以與其

母以嘗巧者乎則病者乎弗果從季孫之母死哀公弔焉曾

子與子貢弔焉聞人爲君在弗內也曾子與入于其廄而脩

容焉子貢先入聞人曰鄉者已告矣曾子後入聞人辟之見

賢相隨爾涉內霤卿大夫皆辟位公降一等而揖之君子言

之曰盡飾之道斯其行者遠矣有事于武宮籥入叔弓卒去

樂卒事其言去樂卒事何禮也君有事于廟聞大夫之喪去

樂卒事大夫聞君之喪攝主而往使兄弟若宗人攝行主事

爲今君大夫聞大夫之喪尸事舉而往賓尸事君在祭樂之

中聞大夫之喪則去樂卒事禮也君在祭樂之中大夫有變

以聞可乎變謂大夫國體也古人重死君命無所不通 鄭

死喪

公孫蠆卒赴于晉晉侯以其善于伐秦也六月晉侯請于王

王追賜之大路使以行禮也大路天子所賜車之總名以行葬禮鄭人殺良霄

伯有死于羊肆羊肆市列子產綈之枕之股而哭之斂而殯諸伯

有之臣在市側者既而葬諸斗城子駟氏欲攻子產子皮怒

之曰禮國之幹也殺有禮禍莫大焉乃止欲葬伯有為有禮公叔

文子卒其子戍請諡于君曰日月有時將葬矣請所以易于

名者君曰昔者衛國凶饑夫子為粥與國之餓者是不亦惠

乎昔者衛國有難夫子以其死衛寡人不亦貞乎齊豹作亂公如死鳥

夫子聽衛國之政修其班制以與四鄰交衛國之社稷不辱

不亦文乎班制謂尊卑之差故謂夫子貞惠文子衛石駟仲卒無適

子有庶子六人卜所以為後者曰沐浴佩玉則兆言齊繫則得吉兆

六也通考卷百二十二 七

五人者皆沐浴佩玉石祁子曰孰有執親之喪而沐浴佩玉

者乎不沐浴佩玉石祁子兆衛人以龜爲有知也司寇惠子

之喪子游爲之麻衰牡麻經麻衰以吉服之布爲衰文子辭曰子辱與

彌牟之弟游又辱爲之服敢辭子游曰禮也文子退反哭子

名習禮文子亦以爲當然未覺其所譏子游趨而就諸臣之位深譏之大夫家之臣位在賓後

文子又辭曰子辱與彌牟之弟游又辱爲之服又辱臨其喪

敢辭子游曰固以請文子退扶適子南面而立曰子辱與彌

牟之弟游又辱爲之服又辱臨其喪虎也敢不復位覺所譏也虎猶

子名文子親扶而辭敬子游也南面而立則諸臣位在門內北而明矣子游趨而就客位將軍

文子之喪既除喪而后越人來弔主人深衣練冠待于廟垂

涕洟深衣練冠凶服變也待于廟受弔不迎賓也子游觀之曰將軍文氏之子其

庶幾乎亡于禮者之禮也其動也中

中禮之變

司徒文子改葬其

叔父問服于子思子思曰禮父母改葬總既葬而除不忍無服送至親也非父母無服無服則弔而加麻司徒敬子死子夏弔焉主人未小斂經而往子游弔焉主人既小斂子游出經反哭子夏曰聞之也與曰聞諸夫子主人未改服則不經

成子高寢疾慶遺入請曰子之病革矣如至乎大病則如

之何子高曰吾聞之也生有益于人死不害于人吾縱生無

益于人吾可以死害于人乎哉我死則擇不食之地而葬我

焉

不食謂不墾耕

曾子曰晏子可謂知禮也已恭敬之有焉有若曰

晏子一狐裘三十年遺車一乘及墓而反國君七个遺車七

乘大夫五个遺車五乘晏子焉知禮

及墓而反言其既窆而不畱賓客有事也人



臣賜車馬者乃得有遺車遺車之差大夫五諸侯七則天子九諸侯不以命數喪禮畧也个謂所包遺其性體之數也雜記曰遺車曾子曰國無道君子恥盈禮焉國奢則示之以儉視牢具

國儉則示之以禮陳莊子死赴于魯魯人欲勿哭君無哭鄰國大夫之

禮繆公召縣子而問焉縣子曰古之大夫束脩之問不出竟

雖欲哭之安得而哭之今之大夫交政于中國雖欲勿哭焉

得而弗哭時政在大夫專盟會以交接且臣聞之哭有二道有愛而哭有

畏而哭公曰然然則如之何而可縣子曰請哭諸異姓之廟

明不當哭于是與哭諸縣氏陳子車死于衛其妻與其家大夫謀

以殉葬子車齊大夫定而后陳子亢至以告曰夫子疾莫養于下

請以殉葬子亢曰以殉葬非禮也雖然則彼疾當養者孰若

妻與宰得已則吾欲已不得已則吾欲以二子者之爲之也

度諫之不能止以斯言拒之已猶止也于是弗果用陳乾昔寢疾屬其兄弟而命其子尊己曰如我死則必大爲我棺使吾二婢子夾我陳乾昔死其子曰以殉葬非禮也況又同棺乎弗果殺

### 右列國大夫喪禮

掌客凡賓客死致禮以喪用

死則主人爲之具而殯矣喪用者饋奠之物

大夫

死于道則升其乘車之左轂以其綏復如于館死則其復如

于家

綏亦綏也大夫復于家以元冕

大夫以布爲韉而行至于家而說韉載

以韉車入自門至于阼階下而說車舉自阼階升適所殯

韉言用布白布不染也言韉者達名也不言裳帷俱用布無

所別也至門亦說韉乃入言載以韉車入自門明車不易也

韉讀爲韉許氏說文解字曰有韉曰輪無韉曰軫周禮又有

蜎車天子以載柩蜎輪聲相近其制周平輪崇蓋半乘車之

輪諸侯言不毀牆大夫言不易車互相明也不易

者不易以韉也廟中有載柩以韉之禮此不耳

其爲賓

則公館復私館不復其在野則升其乘車之左轂而復私館

夫之家也不于之復爲主人之惡爲君使而死公館復私館不復公館者

公宮與公所爲也私館者自卿大夫以下之家也公宮爲君所作離宮

別館曾子問曰爲君使而卒于舍禮曰公館復私館不復凡

所使之國有司所授舍則公館已何謂私館不復也復始死招魂

孔子曰善乎問之也善其問難明也自卿大夫之家曰私館公館與

公所爲曰公館公館復此之謂公館若今縣官舍也公所爲君所命使舍己者楚

子西子期伐吳陳侯使公孫貞子弔及良而卒將以尸入吳

子使太宰嚭勞且辭曰以水潦之不時無乃廩然隕大夫之

尸以重寡君之憂寡君敢辭上介芋尹蓋對曰寡君聞楚爲

不道薦伐吳國寡君使弔君之下吏無祿使人逢天之感犬

命遺隊絕世于良廢日共積廢行道之日以共具一日遷次

一日便遷次不敢留君命今君命逆使人曰無以尸造于門是我寡君之

命委于草莽也且臣聞之曰事死如生禮也于是乎有朝聘

而終以尸將事之禮朝聘道死以尸行事又有朝聘而遭喪之禮若不

以尸將命是遭喪而還也母乃不可乎吳人內之傳言芋尹蓋知禮

右喪在外齊人歸公孫敖之喪為孟氏且國故也敖卒則惠

叔請之至今期年而猶未已為惠叔毀襄仲欲勿哭惠伯

請且國之公族故聽其歸殯而書之曰喪親之終也雖不能始善終可也史佚有言曰兄弟致

美救乏賀善弔災祭敬喪哀情雖不同母絕其親愛之道

也襄仲說帥兄弟以哭之

漢高帝時齊王田橫自殺其故吏不敢哭泣但隨柩紼哀後

代相承以爲挽歌

後漢朝臣中二千石將軍薨使者弔祭郡國二千石六百石

以至黃綬皆賜常車驛牛贈祭自佐史以上達大斂皆以朝

服君臨弔若遣使者主人免經去杖望馬首如禮免經去杖

不敢以戚凶服當尊者

前漢賈山上書曰古之賢君子臣也尊其爵祿而親之疾則臨視之無斂

死則往弔哭之臨其小斂大斂已棺塗而後爲之服錫衰經而三臨其喪未斂而不飲酒食肉未葬不舉樂可謂盡禮矣

晉起居注曰大尉賈充薨皇太子妃之父又太保也有司奏依漢元明二帝親臨師保故事皇太子素服爲發哀又臨其

喪自王主貴人以下至佐史送車騎導從吏卒各如其官府

載飾以蓋龍首魚尾幕布牆繡上周交絡前後雲氣畫帷裳

中二千石以上有輜左龍右虎朱鳥玄武公侯以上加倚鹿

角二千石以下繒布蓋牆魚龍首尾而已二百石黃綬以下

至于處士皆以簞席爲牆蓋其正妃夫人妻皆如之

鄭元云諸侯之

喪唯主人主婦坐其餘皆立卿大夫亦在室外命婦戶外北面有司庶士堂下北面大夫之喪主人主婦及有命夫命婦者皆坐無者皆立室老亦立室老之妻戶外北面

臣堂下北面士之喪父兄子姪婦人皆坐他皆如前

魏武帝懲漢季天下送死奢靡多作石室石獸碑銘等物乃下令不得厚葬又禁立碑

通典周禮地官媒氏禁遷葬者與嫁殯者魏武帝愛子倉舒歿司空

擇祁原女早亡時帝欲求合葬原辭曰合葬非禮也原之所聽明公之命則是凡庸也

明公焉以爲哉帝乃止

其後甘露中大將軍參軍太原王

倫卒倫兄俊作表德論云祇畏王典不得爲銘乃撰錄行事刊于墓陰云明帝時博士張敷等進議諸王公大將軍縣亭侯以上有爵士者依諸侯禮皆稱薨關外侯無土銅印當古稱不祿千石六百石下至二百石皆詣臺拜受與古士受命

同依禮稱不祿高堂崇議諸侯曰薨取隕墜之聲禮王者之後公及王之上公九命爲二伯者侯伯皆執珪子男及王之公皆執璧其卒皆曰薨今可使二王後公及諸國王執圭大將軍縣亭侯有爵士者車騎衛將軍辟召掾屬與三公俱執璧者卒皆稱薨禮大夫曰卒者言功成事卒無遺恨也今大夫秩千石諫議中散大夫秩六百石此天子之大夫而下與二百石同列稱不祿爲大夫死貶從士非先聖制禮意也士不祿者言士業未卒不終其祿也尙書曹訪云官僚終卒依禮各有制至令長以下通言物故不知物故之名何所出高堂崇曰物無也故事也言無復能干事也

孫權令諸臣任遭三年喪

須交代乃去然多犯者嘉禾六年議立制胡綜以爲宜定大辟之科又使代未至不得告告者抵罪從之後吳令孟仁闕

喪輒去陸遜陳其素  
減死一等自此遂絕

晉泰始元年詔諸將吏二千石以下遭三年喪聽歸終寧咸  
寧四年詔石獸碑表既私褒美興長虛僞傷財害人一禁斷  
之其犯者雖會赦令皆當毀壞太康七年大鴻臚鄭默母喪  
既葬固陳不起于是制大臣得終喪三年

然元康中陳准傳  
咸之徒猶以權奪

不得終禮時尚書令衛瓘表前太子洗馬濟陰郗詵寄止衛國文

學講堂十餘年母亡不致喪歸便于堂北壁外下棺謂之假  
葬三年卽吉詔用爲征東參軍或以爲城寺屋壁之間無葬  
處不成葬則不應除服詵表自理曰臣生三月而孤隨母依  
外祖舅爲縣悉家以咸寧二年母亡家自祖以下十四墳在  
緱氏而墓地數有水規悉遷改常多疾病遂便畱此此方下



涇唯城中高故遂葬于所居之宅祭于所養之堂不知其不可也詔問山濤答言詵前喪母得疾不得葬遂于壁後假葬服終爲平輿長史論者以爲不合正禮詵文義可稱又甚貧儉訪其邑黨亦無有他詔問應清議與否濤云自爲不與常同便令人非恐負孝慕之心宜博論詳盡同異魏舒與濤書郊詵至孝居喪毀瘁殆不自全其父喪在緱氏欲改葬不能自致故過時不葬後于家堂北假葬塋道通堂中不時閉欲服闋乃閉葬後經年乃見用作平輿監軍其事灼然無所爲疑建武二年袁瓌上表云故尙書僕射曹馥歿于寇亂嫡孫允不得葬屍招魂殯葬在昔聖人制禮椁周于棺棺周于身今允無喪而葬招幽魂氣于德爲愆義于禮爲不物監軍王

崇太傅司馬劉洽皆招魂葬請臺下禁斷元興元年詔下太

常詳處賀循答啟宜如瓊所上今後禁絕犯者依禮法陳紆武陵

王招魂葬議云先太保生歿塋求依太傅故事招魂葬按

禮無招魂葬之文宜以禮裁不應聽遂張憑新禁王招魂葬

議云新蔡王所繼先王昔永嘉之難覆歿寇虜靈柩未返今

求招魂靈安厝謹按禮典無招魂之文若藏虛棺以奉終則

非原形之實埋靈爽于九原則失事神之道博士江淵議葬

之言藏閉藏屍柩非爲魂也今招魂而葬無屍而殯或無殯

而窆任情長虛非禮所許大興二年司徒荀組表言王路漸

宜如司徒所上以明永制通士人得視塚墓多聞凶問朝野所行輕重不同有斬杖者

有制齊衰三月總麻三月者有直素服盡哀者聖人制禮使

賢者俯就不肖者企及臣謂墓毀之制改葬總麻當包之矣

鄭康成王子雍皆云棺毀見屍痛之極也今遇賊見毀理無

輕重臣以爲宜使明禮大臣議爲正制詔禮雖無墓毀正文

然依附名例不爲無准改葬總通制也已修復不臨尸柩素服可也下太常議國子祭酒杜夷議云墓旣修復而後聞問宜依春秋新宮之災哭而不服博士江淵議凡改葬者必墓壞露殯其痛一也發墓宜依改葬服總三月漢有盜高廟寶器者罪輕于長陵之士墓毀更復不比廟災不行服也侍中江敞表鄭元云親見尸柩不可無服今聽其墳墓毀發依改葬服總不得奔赴及已修復者唯心喪縞素深衣白幘哭臨三月

齊尙書左丞王透問左僕射王儉中軍南郡王小祥應待聞喜不穆妃七月二十四日薨聞喜公八月發哀計十一月之限應在六月南郡王爲當同取六月則大祥復申一月應用

八月非復正月若各自爲祥廬堊相間玄素雜糅未審當有此疑不儉曰相待之意經記無聞世人多以廬室衰麻不宜有異故相去亡二月者或申以俱除所謂任情徑行未達禮旨遠還之人有爲未祭在家之子何辭不變禮有除喪而歸者此經記之遺文不待之明據假使應待則相去彌年亦宜必待乃爲衰經永服以窮生吉獨長絕于宗廟斯不可矣若疑兄弟同居吉凶舛雜則古有異宮之義設無異宮則遠還之子開立別門以終喪事靈筵祭奠隨在家之人再期而毀奔喪禮云爲位不奠鄭玄云以其精神不存乎此也聞哀不時寔緣在遠爲位不奠蓋有可安庶子在家亦不待嫡況儲如正體王室中軍長嫡之重天朝又行權制進退彌復非疑

謂不應相待中軍祥縞之日聞喜致哀而已不受弔慰及至忌辰變除昆弟亦相就寫情而不對客司徒褚淵等同儉議請以爲永制詔可

梁天監元年齊臨川獻王所生妾謝墓被發不至埏門禮官何佟之議以爲改葬服總見柩不可無服故也此止侵墳土不及于梓可依新宮火三日哭假而已帝以爲得禮二年用佟之議追服三年無禫六年申明葬制凡墓不得造石人獸唯聽作石柱記名位而已

後魏司空清河王懌叔母劉氏薨司徒平原郡開國公高肇兄子太子洗馬員外亡並上言未知出入猶作鼓吹不下禮官議太學博士封祖胄議喪大記云期九月之喪旣葬飲酒

食肉不與人樂之五月三月之喪比葬飲酒食肉不與人樂之世叔母故主宗子直云飲酒食肉不言不與人樂之鄭玄云義服恩輕以此推之明義服葬容有樂理又禮大功言而不議小功議而不及樂言論尙自不及聲作明不得也樂在宜止四門博士蔣雅哲議三司開國于王服皆有厭絕若尊同體敵雖疎尙微樂如非敵者旣殯之後義不闕樂國子祭酒孫惠蔚等議司空體服衰麻心懷慘切聲樂本無作理鼓吹之制古之軍聲今者加台司之儀兼廣威華若有哀用之無變于吉悲樂並用于理未盡今旣有喪心不在樂笳鼓之事明非欲聞禮有懸而不樂今陳之以備威儀不作以示哀痛述理節情愚謂爲允詔可

後齊從三品以上喪借白鼓一面儀同三司已上及令僕皆  
聽立凶門柏厯三品以上及五等開國通用方相四品以下  
達于庶人以魃頭旌則一品九旒二三品七旒四五品五旒  
六七品三旒八品以下達于庶人唯旒而已其建旒三品以  
上及開國子男其長至軫四五品至輪六品至于九品至較  
勳品達于庶人不過七尺王元軌子欲改葬祖及祖母列上  
未知所服邢子才議曰禮改葬總  
麻鄭玄注臣爲君子爲父妻爲夫唯三人而已然嫡曾孫孫  
承重者曾祖父母祖父母改葬既並三年之服皆應服總而  
止言三人若非遺漏便是舉其略耳

隋制正一品薨鴻臚卿監護喪事司儀令示禮制二品以上  
鴻臚丞監護司儀丞示禮制五品以上薨卒及三品以上有  
期喪以上喪並掌儀一人示禮制官人在職喪聽斂以朝服

有封者斂以冕服未有官者白帟單衣婦人有官品者亦以其服斂棺內不得置金銀珠玉諸重一品懸隔六五品以上四六品以下二轎車三品以上油幟朱絲絡網施襪兩箱畫龍幟竿諸末垂六旒蘇七品以上油幟施襪兩箱畫雲氣垂四旒蘇八品以下達于庶人鼈甲車無幟襪旒蘇畫飾執紼一品五十人三品以上四十人四品三十人并布幘布深衣三品以上四引四披六鐸六嬰五品以上二引二披四鐸四嬰九品以上二鐸二嬰四品以上用方相七品以上用魼頭在京師葬者去城七里外三品以上立碑螭首龜趺上高不得過九尺七品以上立碣高四尺圭首方趺若隱淪道素孝義著聞者雖無爵奏聽立碣凶服不入公門期喪已下不



解官者在外曹禡緣紗帽若重喪被起者皂絹下裙帽若入  
官殿及須朝見者冠服依百官例齊衰心喪已上雖有奪情  
並終喪不弔不賀不預宴期喪未練大功未葬不弔不賀並  
終喪不預宴小功已下假滿依例居五服之喪受冊及之職  
儀衛依常式唯鼓樂從而不作戎事不用此制

唐諸臣喪禮有疾齋于正寢卧東首北牖下疾困去衣加新  
衣徹藥清埽內外四人坐而持手足遺言則書之爲屬纊氣  
絕則寢于地男子白布衣被髮徒跣婦人女子青縑衣去首  
飾齊衰以下丈夫素冠主人坐于牀東啼踊無數眾主人在  
其後兄弟之子以下又在其後皆西面南上哭妻坐于牀西  
妾及女子在其後哭踊無數兄弟之女以下又在其後皆東

面南上藉橐坐哭內外隔以行帷祖父以下爲帷東北壁下  
西北壁南面東上外姻丈夫于戶外東北面西上祖母以下爲帷  
婦西北南面東上諸內喪則尊行丈夫及外親丈夫席位于  
前堂若戶外之左右俱南面宗凡喪皆以服精粗爲序國官  
親戶東西上外親戶西東上位于門內之東重行北面西上俱衰巾帕頭舒薦坐參佐位  
于門內之西重行北面東上素服皆舒席坐哭斬衰三日不  
食齊衰二日不食大功三不食小功總麻再不食復于正寢  
復者三人以死者之上服立荷之身當屋履危北  
面西上左執領右執要招以左每招長聲呼某復三呼止投  
衣于前承以篋升自阼階入以覆尸乃設牀于室戶內之西  
去腳簟枕施幄去裙遷尸于牀南首覆用斂衾去死衣楔齒  
以角柶綴足以燕几校在南其內外哭位如始死之儀乃奠

以脯醢酒用吉器升自阼階奠于戶東當牖內喪則贊者皆受于戶外而設之沐浴掘埴于階間近西南順廣尺長二尺深三尺高其壤爲塋窆于西牆下東向以俟煮沐新盆瓶六鬲皆濯之陳于西階下沐巾一浴巾二用絺若綌寔于筭櫛寔于箱若簞浴衣寔于篋皆具于西序下南上水泔稷米取汁煮之又汲爲湯以俟浴以盆盛潘及沐盤升自西階授沐者沐者執潘及盤入主人皆出于戶東北面西上主婦以下戶西北面東上俱立哭其尊行者丈夫于主人之東西上婦人以下于主婦之西北面東上俱坐哭婦人以帳乃沐櫛束髮用組拒用巾浴則四人抗衾二人浴拭用巾拒用浴衣設牀于戶東衽下莞上簟浴者舉尸易牀設枕翦鬢斷爪如生

盛以小襲大斂內于棺中楔齒之柶浴巾皆埋于埴實之衣以明衣裳以方巾覆面仍以大斂之衾覆之內外入就位哭乃襲襲衣三稱西領南上明衣裳舄一帛巾一方尺八寸充耳白纁面衣玄方尺纁裏組繫握手玄纁裏長尺二寸廣五寸削約于內傍寸著以縣組繫庶襚纁陳不用將襲具牀席于西階西內外皆出哭如浴襲者以牀升入設于尸東布枕席陳襲于席祝去巾加面衣設充耳握手納舄若履以大斂之衾內外入哭乃含贊者奉盤水及筭一品至三品飯用梁九品飯用梁含用貝升堂含者盥手于戶外洗梁璧寔于筭執以入祝從入北面徹枕去衾受筭奠于尸東含者坐于牀東西面鑿巾納飯含于尸口既含主人復位乃爲銘旌以

絳廣充幅

一品至三品長九尺韜枉銘曰某封官之柩置西

階上四品至五品長八尺六品至九品長六尺

木爲重一品至三品長八尺橫者半之三分庭一

在南四品至五品長七尺六品至九品長六尺

爲粥寔于鬲蓋以疏布繫以竹菑懸于重木覆用葦席北面

屈兩端交後西端在上綴以竹菑祝取銘置于重殯堂前楹

下夾以葦席小斂

衣一十九稱朝服一笏一陳于東序西領

相一少牢腊三選豆俎各

入設盆盥于饌東布巾

贊者辟脯醢之奠于尸牀西南乃

斂具牀席于堂西設盆盥西階之西如東方斂者盥與執事

者以斂衣入喪者東西皆少退內外哭已斂覆以夷衾設牀

于堂上兩楹間衽下莞上簟有枕卒斂開帷主人以下西面

慟哭主婦以下東面慟哭退乃斂髮而奠贊者盥手奉饌至

階升設于尸東醴酒奠于饌南西上其俎祝受巾巾之奠者

徹奠奠自西階降出下帷內外俱坐哭有國官僚佐者以官  
代哭無者以親疏爲之夜則設燎于庭厥明滅燎乃大斂衣  
十稱上服一稱冕具簪導纓內喪則有花釵衾一西領南上  
設奠如小斂無加勺篚在東南蓮豆俎皆有幕用功布指入  
內外皆止哭升棺于殯所以哭熬八篚稷黍梁稻  
各二皆加魚腊燭俟于饌東設盆盥于東階東南祝盥訖升  
自阼階徹巾執巾者以待于阼階下祝盥贊者徹小斂之饌  
降自西階設于序西南當西嚮如設于堂上乃適于東階下  
新饌所帷堂內外皆少退立哭御者斂加冠若花釵覆以衾  
開帷喪者東西憑哭如小斂諸親憑哭斂者四人舉牀男女  
從奉尸斂于棺乃加蓋覆以夷衾內外皆復位如初設熬穀  
首足各一篚傍各三篚以木覆棺上乃塗之設帟于殯上祝  
取銘置于殯乃奠執巾几席者升自阼階入設于室之西南

隅東面又几巾已加贊者以饌升入室西面設于席前祝加  
巾于俎奠者降自西階以出下帷內外皆就位哭既殯設靈  
座于下室西間東向施牀几按屏帳服飾以時上膳羞及湯  
沐如平生殷奠之日下饋于下室廬在殯堂東廊下近南設  
苫由齊衰于其南爲堊室俱北戶翦蒲爲席不椽大功又于  
其南張帷席以蒲小功緦麻又于其南設牀席以蒲婦人次  
于西房三日成服內外皆哭盡衰乃降就次服其服無服者  
仍素服相者引主人以下俱杖升立于殯內外皆哭諸子孫  
跪哭尊者之前祖父撫之女子子對立而哭唯諸父不撫尊  
者出主人以下降立阼階朔望殷奠饌于東堂下凡饌二室  
醴及酒角  
解二木枵一少牢及膳三俎二簋二  
饌二餅六豆其日不饋于下室葬有期前一日之夕除

葦帳障設賓次于大門外之右南向啟殯之日主人及諸子  
皆去冠以衰巾帕頭就位哭祝衰服執功布升自東階詣殯  
南北向內外止哭三聲噫嘻乃曰謹以吉辰啟殯既告內外  
哭視取銘置于重掌事者升徹殯塗設席于柩東升柩于席  
又設席柩東祝以功布升拂柩覆用夷衾周設帷開戶東向  
主人以下升哭于帷東西向南上諸祖父以下哭于帷東北  
壁下諸祖母以下哭于帷西北壁下外姻丈夫帷東上婦人  
帷西祝與進饌者各以奠升設于柩東席上祝酌醴奠之陳器用  
啟之夕發引前五刻槌一  
鼓爲一嚴陳布吉凶儀仗方相誌石大棺車及明器以下陳  
于柩車之前一品引四披六鐸左右各入轍娶二二畫  
娶二四五品引二披二鐸左右各四娶二二畫  
二畫娶二六品至九品披二鐸二畫娶二二刻頃槌二鼓爲  
二嚴掌饌者徹啟奠以出內外俱立哭執紼者皆入掌事者



徹帷持鬐者升以鬐障柩執紼者升執鐸者夾西階立執纛者入當西階南北面立掌事者取重出倚于門外之東執旌者立于纛南北面槌三鼓爲三嚴靈車進于內門外南向祝以腰輿詣靈座前西向跪告腰輿降自西階以詣靈車腰輿退執鐸者振鐸降就階間南向持鬐者障以鬐執纛者卻行而引輜止則北面立執旌者亦漸而南輜止北面主人以下以次從輜在庭輜至庭主人及諸子以下立哭于輜東北西北西異姓之大夫未立哭于主人東南西南北上婦人以次從降妻妾女子以下立哭于輜西東南西南北上婦人以下立哭于輜西北南向東上異姓之婦人立哭于主婦西南東南北上內外之際障以行帷國官立哭于執紼者東北面西上僚佐立哭于執紼者西祝帥執饌者設祖奠于輜東如大斂祝酌奠南北面東上進饌北面跪曰永遷之禮靈辰不畱謹奉旋車式遵祖道尙

享輓出升車執披者執前後披紼者引輓出旌先纛次主人  
以下從哭于輓後輓出到輓車執紼者解屬于輓車設帷障  
于輓後遂升柩祝與執饌者設遣奠于柩東如祖奠既奠掌  
事者以蒲葦苞牲體下節五以繩束之盛以盤載于輿前方  
相大棺車輓車明器輿下帳與米輿酒脯醢輿苞牲輿食輿  
爲六輿銘旌纛鐸輓車以次行喪至于墓所下柩進輓車于  
柩車之後張帷下柩于輓丈夫在西憑以哭卑者拜辭主人  
以下婦人皆障以行帷哭于羨道西東面北上入墓施行席  
于壙戶內之西執紼者屬紼于輓遂下柩于壙戶內席上北  
首覆以夷衾輓出持髮入倚髮于壙內兩廂遂以帳張于柩  
東南向米酒脯于東北食盤設于前醢醢設于盤南苞牲置

于四隅明器設于右在壙掌事者以元纁授主人主人授祝  
奉以入奠于靈座主人拜稽顙施銘旌誌石于壙門內掩戶  
設關鑰遂復土三主人以下稽顙哭退俱就靈所哭掌儀者  
祭后土于墓左反哭既下柩于壙搥一鼓爲一嚴掩戶搥二  
鼓爲再嚴內外就靈所搥三鼓爲三嚴徹酒脯之奠追靈車  
于帷外陳布儀仗如來儀腰輿入少頃出詣靈車後靈車發  
引內外從哭如來儀出墓門尊者乘去墓百步卑者乘以哭  
靈車至第西階下南向祝以腰輿詣靈車後少頃升入詣靈  
座前主人以下從升立于靈座東西南上內外俱升祖父  
于靈西東面祖母以下哭于帷東北壁下南面妻及女子以下婦人哭  
南廂丈夫帷東婦人帷西皆北面弔者哭于堂上西面主  
人以下出就次沐浴以俟虞斬衰者沐而不櫛虞主用桑長

尺方四寸孔徑九分烏漆匱置于靈席在寢室內戶西東向  
素几在右設洗于西階西南瓦甒二設于北牖下醴酒在東  
喪者既沐升靈所主人及諸子倚杖于戶外入哭于位如初  
饌入如殷奠升自東階主人盥手洗爵酌醴西面跪奠哭止  
祝跪讀祝文主人哭拜內外應拜者皆哭拜乃出杖降西階  
還次間日再虞後日三虞禮如初小祥毀廬爲堊室設蒲席  
堊室者除之席地主人及諸子沐浴櫛翦去首經練冠妻妾  
女子去腰經主用栗祭如虞禮大祥之祭如小祥間月而禫  
釋祥服而禫祭如大祥既祥而還外寢妻妾女子還于寢食  
有醢醬既禫而飲醴酒食乾肉祔廟筮日將祔掌事者爲埽  
室于始祖廟室西壁前主人及亞獻以下散齊三日致齊一日  
主人以酒脯告遷遷之主乃遷

置于幄坐又奠酒脯以安神掌饌者徹饌以出掌廟者以次  
置神主納于壇室又設考之耐坐于曾祖室內東壁下西向  
右几設主位于東南西面設子孫位于南門內道東北面  
西上設終獻亞獻位于主人東南設掌事以下位于終獻東  
南俱西面北上設贊唱者位于主人西南西面設酒奠于堂  
上室戶之東南北向西上設洗于阼階東南北向是爵三巾  
二加爵其日具少牢之饌二座各俎三簋二簠二鉶二酒尊  
二其一是玄酒爲上其一是清酒次之其遵豆一品者各十  
二二三品主人及行事者祭服掌事者具腰輿掌廟者闔寺  
者各入

入立于廟庭北面再拜升自東階入開炤室出曾祖曾祖妣  
神主置于座降出執尊罍篚者入就位祝進座前西面告曰  
以今吉辰奉遷神主于廟執輿者以輿升入進輿于座前祝  
納神主于匱升輿祝仍扶于左降自西階子孫內外陪從于  
後至廟門諸婦人停于門外周以行帷俟祭訖而遣神主入  
自南門升自西階入于室諸子孫從升立于室戶西重行東

面以北爲上行事者從入各就位與詣室前回與西向祝啟  
匱出神主置于座與降立于西階下東向相者引主人以下  
降自東階各就位祝立定贊唱者曰再拜在位者皆再拜掌  
饌者引饌入升自東階入于室各設于神座前主人盥手洗  
爵升自東階酌醴酒入室進北面跪奠爵于曾祖神座前主  
人出取爵酌酒入室進東面跪奠于祖座前出戶北面立祝  
持版進于室戶外之右東向跪讀祝文主人再拜祝進入奠  
版于曾祖座主人出降還本位初主人出亞獻盥手洗爵升  
又酌酒入進東面跪奠于祖神座出戶北面再拜訖又入室  
立于西壁下東面再拜出降復位亞獻將畢終獻入如亞獻  
祝入徹豆贊者皆再拜主人及在位子孫以下出掌饌者入  
徹饌以出掌廟者納曾祖神主于埴室出又以腰與升詣考

神座前納主于匱置于輿詣考廟出神主置于座進酒脯之

奠少頃徹之祝納神主于埽室六品以下廟祭于正寢禮略如之太常博士

掌凡王公以下擬諡皆跡其功德而為之褒貶諸諡職事官六品以下散

官佐吏錄行狀申考功勘校下無爵稱子沈約諡法云晉大

太常擬諡記申省議定奏聞者諡皆興三年始詔無爵稱子 養德邱園聲寔明著則諡曰先生大行則大名小行

則小名舊有周書諡法大戴禮諡法又漢劉熙諡法一卷晉

凡一百六告贈諡于柩如開元禮張靖撰諡法兩卷又有廣諡一卷梁沈約總集諡法

宋制冊諸一品二品喪敕備本品鹵簿送葬者以少牢贈祭

于都城外加璧束帛深青二纁二重一品柱鬲六五品以上

四六品以下二銘旌三品以上長九尺五品以上八尺六品

已上七尺皆書某官封姓之柩輅車一品至七品同隋制九

品以上無旒蘇諸引披鐸娶挽歌並如隋制輓歌三品以上  
六行三十六人四品四行十六人五六品八人七八品六人  
六品九品四人其持引披者皆布幘布深衣挽歌者白練幘  
白練襦衣皆執鐸紵並鞞鞞四品以上用方相七品以上用  
魼頭蘇五品以上竿長九尺以下五尺已上諸葬不得以石  
爲棺槨及石室不得雕鏤彩畫施方牖檻及藏金寶珠玉動  
戚大臣薨卒多命詔葬遣中使監護官給其費凡凶儀皆有  
買道方相引魂車香蓋紙錢鵝毛影輿錦綉虛車大輿銘旌  
儀棺行幘各一挽歌十六其明器牀帳衣輿結彩牀皆不定  
數墳所有石羊虎望柱各二三品以上加石人二墳有當墳  
當野祖思祖明地軸十二時神誌石券石鐵券各一殯前一



日對靈柩及墳所下事時皆設敕祭監葬官行禮定謚王公

及職事官三品以上薨

贈官同

本家錄行狀上尙書省考功移

太常禮院議定具上中書門下宰臣判准始錄奏聞敕付所

司未葬前賜其家藎德邱園聲寔明著雖無官爵亦奏賜謚

曰先生

直史館胡旦言舊制文武官皆以功行上下賜謚近朝遂成闕典建隆以後三品以上合賜謚者百餘人

望令史館錄送禮官定謚詔後爲定式

明制凡藎衣三品以上三四品五品二六品以下一飯含五

品以上飯稷含珠九品以上飯粱含小珠銘旌絳帛廣一幅

品官依宋制斂衣朝服一襲常服十襲衾十番靈座設于柩

前用白絹結帛以依神棺用油杉朱漆椁用土杉牆嬰公侯

六三品以上四五品以上二明器公侯九十事一二品八十

事三四品七十事五品六十事六七品三十事八九品二十

事洪武二年葬開平王常遇春給明器九十事鉦二鼓四紅

以上俱以木爲之水罐甲頭盛臺盞杓壺瓶酒甕唾壺水盆

香爐各一燭臺二香合香匙各一香筋二香匙筋瓶茶鍾茶

殘各一筋二匙一匙筋瓶一梳二櫟十二棗二以上俱錫造

金裏之班劍牙仗各一金裏立瓜骨朵戟簪各二交椅脚

踏馬机各一誕馬六槍劍斧拏食卓牀屏風柱杖箱交牀香

卓各一機二以上俱以木爲之樂工十六人執儀仗二十四

人控士六人女使十人青龍白虎朱雀玄武神四人門神二

人武士十人並以木造各高一尺雜物裏六壁一筐箭桿

衿紫各一包二箭二糧漿餅二油餅一紗厨煖帳各二束

帛青三段纁三段每段長一丈八尺後定制公侯准此公

侯四引六披左右各八鐸一二品三引四披左右各六鐸三

四品二引二披左右各四鐸五品以下二引二披左右各二

鐸羽旛竿長九尺五品以上一人執之六品以下不用功布

品官用之長三尺方相四品以上四目七品以上兩目八品

六典通考

卷百二十二

以下不用柳車上用竹格以綵結之旁施帷幔四角垂旒蘇  
誌石二片一爲蓋書某官之墓一爲底書姓名鄉里三代生  
年月日卒葬月日及子孫葬地婦人則隨夫與子孫封贈二  
石相向鐵束埋墓中祭物四品以上羊豕九品以上豕碑碣  
功臣歿後封王螭首高三尺二寸碑身高九尺廣三尺六寸  
龜趺高三尺八寸一品螭首二品麟鳳蓋三品天祿辟邪蓋  
四品至七品圓首一品至三品龜趺四品至七品方趺首視  
功臣歿後封王者遞殺二寸碑身遞殺五寸至其廣遞殺二  
寸跌遞殺二寸文武大臣薨逝命翰林官製文立神道碑墳  
塋一品地圍九十步墳高一丈八尺二品八十步墳一丈四  
尺三品七十步墳丈二寸以上石獸各六四品四十步七品

以下二十步墳高六尺功臣歿後封王者周圍百步墳高二丈園牆高一丈石人四文武官各二石虎羊馬右望柱各二一品墳牆高九尺二品至四品遞殺一尺五品四尺三四品無石人五品無石虎六品以下無石羊馬望柱文武大臣請諡禮部定上中下三等送翰林院擬諡有應諡而未得者撫按科道官以聞舊制諡法文臣不可得武臣非贈侯伯不可得魯秦二王曰荒曰愍至建文諡王禕成祖諡胡廣文臣始有諡迨世宗則濫及方士且加四字矣定例三品得諡詞臣諡文福王時追諡開國名臣李善長等十四人正德諫臣蔣欽等十四人天啟慘死諸臣左光斗等九人